

Donostia, 2016ko otsailaren 19a

IDAZKARI NAGUSIARI

KONTROL MOZIOA, ETXEGABEENTZAKO OINARRIZKO ZERBITZUAK DIRELA ETA

Irabazi Donostia taldearen bozeramaile Amaia Martin Garinek, Udalbatzaren Araudi Organikoaren 98. artikulua oinarri, KONTROL MOZIO hau aurkezten dio Gizarte Ekintzako zinegotzi ordezkari Aitziber San Romani, PERTSONENTZAKO ZERBITZUEN BATZORDEAN egindako interpelazioaren ondorioz.

JUSTIFIKAZIOA

Erakunde guztiek landu behar dute estrategia bat gizarte bazterketaren alderdirik muturrekoena deuseztatzeko: kalean lo egiten duten pertsonak. Europar Batasunak, 2010. urtean, bere egin zuen erronka hori, baina, horretarako, politika integralak behar dira. Hala, 2015ean, etxegabeen egoera amaitzeko proposamen bat onartu zuen. Horren bidez, Europako Batzordeari eskatu zion landu zezala estrategia bat etxegabeen egoera aztertzeko eta estatu kideen jarduna gidatzeko. 2015. urtea amaitu da, baina Espainiak ez du ez estrategiarik eta ez neurririk landu horretarako.

Etxegabeen egoera deuseztatu nahi duten politiketek oinarri hauxe izan behar dute: eskubide ekonomiko, sozial eta kulturalak lortzea, pertsona orok bizi maila egoki bat izateko duen eskubidearen bidez. Eskubide horiek lortuko direla bermatu beharrean, ordea, ukatu egiten da badirenik ere (esate baterako, etxebizitzarako eskubidea) eta murriztu egiten dira jadanik lortutakoak (esate baterako, osasunerako eskubidea); horrek, noski, talderik ahulenei erasaten die batez ere.

Osasunerako eskubideari dagokionez, etxegabeek diote zailtasunak dituztela osasun sisteman sartzeko. Era berean, eta ikusita etxegabeen bizi itxaropena batez beste 25 urte gutxiago dela gainerako biztanleena baino, azpimarratu behar dugu funtsezko bi alderdik eragiten dutela hori hala izatea: elikadurak eta higieenak.

Hori dela eta, gure ustez, beharrezkoa da politika aktiboak egitea, etxegabeek gutxienez egunean otordu bat egiteko eta garbitzeko aukera izan dezaten.

Bestetik, etxebizitzarik ez izateak segurtasun gabezia, deserrotzea eta intimitate falta eragiten ditu, eta, horren ondorioz, egoera pertsonalak nabarmen egiten du okerrera eta harreman sozialak ere eskastu

egiten dira. Etxebizitza espazio propio gisa izateak konfiantza ematen du eta gizartean parte hartzea eragiten du. Etxebizitzarako eskubidea funtsezkoa da bizimodu duin bat bermatzeko. Hala ere, beste eskubide sozial batzuekin gertatu den bezala, egiaztatu da, ez bakarrik ez dela aurrera egin eskubide horren unibertsalizazioan, baizik eta atzera egin dela.

Etxebizitza politikak egiteaz gain, erantzun egin behar zaie ostatuarekin lotuta sortzen diren premia askotarikoei: premiazko unitatea edo egonaldi ertain eta luzekoa, etxebizitza independente bat lortu bitarteko ostatua, intentsitate baxuko baliabidea nahiz familia unitateentzat edo adinekoentzat egokitutako ostatua.

2012an Bizkaian etxegabeen inguruan egin zen azterketa batek agerian utzi zuenez, pertsonen intimitate handiagoa, ordutegi zabalagoak eta armairu gehiago nahiko lituzkete beren gauzak uzteko. Gainera, erabiltzaileek uste dute aterpetxeek arau asko eta oso zorrotzak dituztela, eta logela propio bat izatea eskatzen dute, intimitate pixka bat izateko, lo lasai egiteko eta seguruago sentitzeko. Horregatik guztiagatik, ez da harriztekoa aterpetxeak izatea baliabiderik kritikatuena.

Hori dela eta, “Housing First” edo “Etxebizitza, lehenik” deritzona planteatzen dugu eredu gisa; horren lehentasunezko helburua da ahal bezain pronto ematea etxebizitza batean ostatu pertsoneri.

Ikuspegi horren arabera, ostatu egonkor bat izanda errazago landu daitezke arazo pertsonaletako asko, lehenik ostatua ematen delako, aldez aurreko baldintzarik gabe. Iparraldeko herrialde askotan, etxegabeen egoeraren aurkako politikaren alderdi nagusia da hori, eta, beste kasu askotan, era horretako esperientziak lantzen ari dira. Eredu horren helburua da etxegaberik gabeko gizarte bat lortzea.

Horretarako, ezinbestekoa da hori lortzeko ekimenak planteatzea, eta, horrexegatik, hauxe da gure

KONTROL MOZIOA

1. Udalbatzak hertsatuki eskatzen dio Udal Gobernuari egin dezala etxegabeen egoera deuseztatzeko plan integral bat, alor horretan jarduten duten erakundeekin elkarlanean.
2. Udalbatzak hertsatuki eskatzen dio Udal Gobernuari landu dezala “Etxebizitza, lehenik” proiektu esperimental bat Donostian, sistema hori pixkanaka ezartzen joateko eta, hala, Donostiako etxegabeen ostatu beharrei erantzuteko.
3. Udalbatzak hertsatuki eskatzen dio Udal Gobernuari bete ditzala, berehala, Donostian zenbatutako etxegabeek higiene eta elikadura aldetik dauzkaten oinarrizko beharrak. Horren arabera, hala eskatzen



Donostiako Udala
Ayuntamiento de San Sebastián

irabazi
DONOSTIA

Grupo Político IRABAZI DONOSTIA Talde Politikoa

Ijentea, 1, 20003 Donostia / San Sebastián
irabazi@donostia.eus - Tel. 943481717 - www.irabazidonostia.org

duten pertsoneri egunean gutxienez otordu bat egiteko eta dutxa bat hartzeko aukera emango zaie Udalaren Gizarte Abegi Etxean.

Sinatua: Amaia Martin Garin,
Irabazi Donostia taldearen bozeramailea